



Uunga siunnersuut: Ilisimatusarfik pillugu Inatsisartut inatsisaat nr. xx, xx. xxx 2018-imeersoq.
(Ilinniartitaanermut, Kultureqarnermut, Ilageeqarnermut Nunanut Allannullu Naalakkersuisoq)
(Siullermeerneqarnera)

Ilisimatusarfik pillugu Inatsisartuni inatsisissatut Naalakkersuisut saqqummiussaata imak Demokraatiinik oqaaseqarfingissavarput.

Inatsisissatut siunnersuut una kiisami maana inersuarmut qaqqinneqarnera nuannaarutingaarput.

Uumami inatsisissatut siunnersuutip imarivaa ilinniartitaatinikkut pitsaassutsimik qaffasaanissaq, siullertut oqaatingerusupparput Rektorimut, rektorip tullersortaanut, instituttini aqutsisunut kiisalu immikkoortortani aqutsisunut ilinniakkatigut piumasaqaatit allannguutit ilaattut taaneqarsinnaapput. Atorfinni taakkunani siunissami inuttaalertussat ph.d.-mik ilinniagaqarsimasuussapput, kandidatitut ilinniarsimanissaq maannamut piumasaqaataasimagaluartoq. Tamannalu Demokraatit tungaaniit ataasinnguumilluunniit isornatorqartingilarput illuatungaani taperserluinnarlugu.

Tassami uani isumaqarpugut pingaarnerpaajuuaannassasut piginnaasat, ammip qalipaatai, qanoq isikkoarneq qanorlu oqaluttuuneq, suut oqaatsit atornerqarnerinut apeqqusersorneqanngisaannassooq pitsaassuseq pinginnaasallu. Taakkuummata naggaterpiaani pitsaanerpaamik ilisimatusarfimmuut sunniuteqartussa, ilinniartunut, naggaterpiaanilu inuiaqatingiinni ilinniartut naammassimallutik pikkorissutsimikkut apeqquserneqarsinnaanatik suliffeqarfinnut appakaannissaat.

Siunnersuummi aamma ersersinneqarpoq pitsaassutsimik qanoq nakkutilliisoqarsinnaanersoq aamma ineriartortsitseqqittoqarsinnaanersoq.

Tamanna nunatta ilinniarfeqarfiini annertunerujussuarmik sammisariaqarpagut. Aamma ataavarnerusumik ersarinnerusumillu pitsaassuseq qanoq inissisimanersoq qanimut malinnaavingeqqinnaartariaqarpagut. Atuisut aamma annerusumik nalilersuinissaminut periarfissanginnerusuariaqarput imaassanngimmammi ilisimatusarfik imminut nalilersortassasoq. Tassuuna nalilersuinerit sumulluunniit attuumassuteqanngittut uppernassuseq qaffasinnerusarmat. Aamma nalilersuinerit avataaniik ingerlanneqartariaqarmata.

Kingullertullu ajoqutissaqartingilarput ilinniartut pikialaartitsinerminni arlaannilluunniit sammisaqarnerminni ilisimatusarfimmik atuisinnaanerat annerusumik atornerqarsinnaanera taakkunungamiuna sanaaq. Ilinniartullu ineriartuutigisinnaasaat tamaasa tapersersortariaqarpagut.

Taamatut oqaaseqarluta Inatsisissatut siunnersuut Ilinniartitaanermut ataatsimiitsitaliamut ingerlateqqinneqarnissaa innersuutingaarput.